

12 Евангелий

читается вечером в четверг.

Старший: Молитвами святых отец наших, Господи, Иисусе Христе, Сыне Божий, помилуй нас.

Чтец: Аминь.

Царю Небесный, Утешителю, Душе Истины, Иже везде Сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, Души наша.

Святой Боже, Святой Крепкий, Святой Бессмертный, помилуй нас.
Трижды.

Слава Отцу и Сыну и Святому Духу, и ныне и присно и во веки веков, аминь.

Пресвятая Троице, помилуй нас, Господи, очисти грехи наша, Владыко, прости беззакония наша, Святой, посети и исцели немощи наша имене Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков, аминь.

Отче наш, Иже еси на небесех. Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

Господи, помилуй, *12 раз.*

Слава Отцу, и Сыну, и Святому Духу, и ныне и присно, и во веки веков, аминь.

Старший: От Иоанна Святаго Евангелия чтение

Хор: Слава страстем твоим Господи.

Старший:

1 Євангеліє Іоанна 13:31-18:1

Речé Господь Своім учеником: н́ине просла́вится Сын Человéческий, и Бог просла́вится о Нем. А́ще Бог просла́вится о Нем, и Бог просла́вит Его́ в Себе́, и а́бие просла́вит Его́. Ча́дца, ещé с ва́ми ма́ло есмь: взы́щете Мене́, и я́коже Рех иудéом, я́ко а́може Аз иду́, вы не мо́жете приити́: и вам глаго́лю н́ине. За́поведь но́вую даю́ вам, да лю́бите друг дру́га: я́коже возлюбих вы, да и вы лю́бите себе́. О сем разумéют вси, я́ко Мой ученицы́ естé, а́ще лю́бовь ймате ме́жду собою. Глаго́ла Ему́ Симо́н Петр: Го́споди, ка́мо йдеши, отве́ща́ ему́ Иису́с: а́може Аз иду, не мо́жеша н́ине по Мне ити́, последи́ же по Мне йдеши. Глаго́ла Ему́ Петр: Го́споди, почто́ не могу́ н́ине по Тебе́ ити? Н́ине ду́шу мою́ за Тя положу́. Отве́ща́ ему́ Иису́с: ду́шу ли твою́ за Мя положи́ши? Ами́нь, ами́нь глаго́лю тебе́: не возгласи́т алеќтор, до́ндеже отвéржешися Мене́ три́щи. Да не смуща́ется се́рдце ва́ше: ве́руйте в Бо́га, и в Мя ве́руйте. В до́му Отца́ Моего́ оби́тели мно́ги суть: а́ще ли же ни, рекл бых вам: иду угото́вати ме́сто вам. И а́ще угото́влю ме́сто вам, па́ки прииду́, и по́иму вы к Себе́: да иде́же есмь Аз, и вы бу́дете. И а́може Аз иду́, ве́сте, и путь ве́сте. Глаго́ла ему́ Фома́: Го́споди, не ве́мы, ка́мо йдеши; и ка́ко мо́жем путь ве́дети? Глаго́ла ему́ Иису́с: Аз есмь Путь и И́стина, и Живо́т: никто́же Приидет ко Отцу́, то́кмо Мною́. А́ще Мя бы́сте зна́ли, и Отца́ Моего́ зна́ли бы́сте у́бо: и отсе́ле позна́ете Его́, и ви́дете Его́. Глаго́ла Ему́ Филип́п: Госпо́ди, покажи́ нам Отца́, и довлéет нам. Глаго́ла ему́ Иису́с: то́лико вре́мя с ва́ми есмь, и не позна́л еси́ Мене́, Филип́пе? Ви́девый Мене́, ви́де Отца́: и ка́ко ты глаго́леша, покажи́ нам Отца́? Не ве́руеша ли, я́ко Аз во Отце́, и Оте́ц во Мне ест? Глаго́лы, я́же Аз глаго́лю вам, о Себе́ не глаго́лю: Оте́ц же во Мне пребыва́яй, той твори́т дела́. Ве́руйте Мне, я́ко Аз во Отце́, и Оте́ц во Мне: а́ще ли же ни, за та дела́ ве́ру имите Ми. Ами́нь, ами́нь глаго́лю вам: ве́руяй в Мя, дела́, я́же Аз творю́, и той сотвори́т, и бо́льша сих сотвори́т, я́ко Аз ко Отцу́ Моему́ гряду́. И е́же а́ще что про́сите от Отца́ о И́мени Мо́ем, то сотвори́ю: да просла́вится Оте́ц в Сы́не. И а́ще чесо́ про́сите во И́мя Моё́, Аз сотвори́ю. А́ще лю́бите Мя, за́поведи Моя́ соблюди́те. И Аз умо́лю Отца́, и ино́го Уте́шителя даст вам, да бу́дет с ва́ми в век: Дух И́стины, Егóже мир не мо́жет прия́ти, я́ко не ви́дит Его́, ниже́ знает Его́: вы же зна́ете Его́, я́ко в вас пребыва́ет, и в вас бу́дет. Не оста́влю вас си́ры, прииду́ к вам. Ещé мало, и мир ктому́ не ви́дит Мене́, вы же ви́дите Мя: я́ко Аз живу́, и вы жи́ви бу́дете. В той день разумéете вы, я́ко Аз во Отце́ Мо́ем, и вы во Мне, и Аз в вас. Име́яй за́поведи Моя́ и соблюда́яй их, той ест лю́бяй Мя: а лю́бяй Мя, возлю́блен бу́дет Отце́м Мо́им: и Аз возлю́блю егó, и явлю́ся ему́ Сам. Глаго́ла Ему́ Иу́да, не Искаріотский: Го́споди, и что бы́сть, я́ко нам хо́щеша я́витися, а не мірови? Отве́ща́ Иису́с, и речé ему́: а́ще кто лю́бит Мя, сло́во Моё́ соблюде́т: и Оте́ц Мой возлю́бит егó, и к Нему́ прииде́ма, и оби́тель у Него́ сотвори́ма. Не лю́бяй Мя, словéс Мо́их не соблюда́ет: и сло́во, е́же слы́шасте, несть Моё́, но

послáвшаго Мя Отцá. Сия глагóлах вам, в вас сый. Утéшителъ же Дух Святый, Егóже по́слет Оте́ц во Ёмя Моё, Той вы научитъ все́му, и воспомяне́т вам вся, яже Рех вам. Мир оставляю вам, мир Мой даю вам: не якоже мир даёт, Аз даю вам. Да не смущáется сёрдце ваше, не устраша́ет. Слы́шасте, яко Аз Рех вам: иду́ и прииду́ к вам. Аще бы́сте любии́ли Мя, возра́довалися бы́сте ўбо, яко рех, иду́ ко Отцú: яко Оте́ц Мой бо́лий Мене́ есть. И ны́не Рех вам, прэ́жде да́же не бу́дет, да егда́ бу́дет, ве́ру име́те. Ктому́ не мно́го глаго́лю с ва́ми: грядёт бо сегó ми́ра князь, и во Мне не има́ть ничесо́же. Но да разуме́ет мир, яко люблю́ Отцá, и якоже запове́да Мне Оте́ц, Та́ко творю́: воста́ните, иде́м отсю́ду. Аз есмь Лозá истинная, и Оте́ц Мой де́латель есть. Вся́ку розгу́ о Мне не творя́щую пло́да, измет ю́: и вся́ку творя́щую плод отреби́т ю́, да мно́жайший плод принесёт. Уже вы чи́сти есте́ за сло́во, е́же глаго́лах вам. Бу́дите во Мне, и Аз в вас: якоже розга́ не мо́жет пло́да сотвори́ти о себё, а́ще не бу́дет на лозе́, та́ко и вы, а́ще во Мне не пребу́дете. Аз есмь Лозá, вы же ро́ждие: и и́же бу́дет во Мне, и Аз в нем, той сотвори́т плод мног: яко без Мене́ не мо́жете твори́ти ничесо́же. А́ще кто во Мне не пребу́дет, изве́ржется вон якоже розга́, и изсы́шет и собира́ют ю́, и во огнь влага́ют, и сгара́ет. А́ще пребу́дете во Мне, и глаго́лы Мои́ в вас пребу́дут: е́му́же а́ще хо́щете проси́те, и бу́дет вам. О сем просла́вится Оте́ц Мой, да плод мног сотвори́те, и бу́дете Мои́ ученицы́. Якоже возлюбíи́ Мя Оте́ц, и Аз возлюбíих вас, бу́дите в любви́ Моёй. А́ще заповеди́ Моя́ соблюде́те, пребу́дете в любви́ Моёй: якоже Аз заповеди́ Отцá Моего́ соблюдо́х, и пребыва́ю в Егó любви́. Сия глаго́лах вам, да ра́дость Моя́ в вас бу́дет, и ра́дость ва́ша испо́лнится. Сия́ есть запове́дь Моя́, да любите́ друг дру́га, якоже возлюбíих вы. Бо́льши сея́ любви́ никто́же има́ть, да кто ду́шу свою́ положи́т за дру́ги Сво́я. Вы дру́зи Мои́ есте́, а́ще творите́, елика́ Аз запове́даю вам. Не ктому́ вас глаго́лю рабы́, яко раб не вестъ, что́ твори́т госпо́дь егó: вас же рекóх дру́ги, яко вся, яже слы́шях от Отцá Моего́, сказа́х вам. Не вы Мене́ избра́сте, но Аз избра́х вас, и положи́х: да вы иде́те, и плод принесёте, и плод ваш пребу́дет: да егóже а́ще про́сите от Отцá во Ёмя Моё, даст вам. Си́ запове́даю вам, да любите́ друг дру́га. А́ще мир вас ненави́дит, ве́дите, яко Мене́ прэ́жде вас возненави́де. А́ще от ми́ра бы́сте бы́ли, мир ўбо свое́ любил бы́: якоже от ми́ра не́сте, но Аз избра́х вы от ми́ра, сегó ра́ди ненави́дит вас мир. Помина́йте сло́во, е́же Аз Рех вам: несть раб бо́лий Гóспода своего́. А́ще Мене́ изгна́ша, и вас изжену́т: а́ще сло́во Мое́ соблюдо́ша, и ва́ше соблюду́т. Но сия́ вся творя́т вам за Ёмя Моё, яко не ве́дят Посла́вшаго Мя. А́ще не бых прише́л, и глаго́лал им, греха́ не бы́ша имéли: ны́не же вины́ не иму́т о гресе́ своём. Ненави́дья́ Мене́, и Отцá Моего́ ненави́дит. А́ще дел не бых сотвори́л в них, ихже ин никто́же сотвори́, греха́ не бы́ша имéли: ны́не же и ви́деша, и возненави́деша Мене́ и Отцá Моего́. Но да сбúдется сло́во пи́санное в зако́не их: яко возненави́деша Мя ту́не. Егда́ же приидет Утéшителъ, Егóже Аз послóю вам

от Отца, Дух Истины, иже от Отца исходит, Той свидетельствует о Мне. И вы же свидетельствуете, яко искони со Мною есте. Сия глаголах вам, да не соблазнитесь. От сонмищ ижденут вы. Но придет час, да всяк, иже убиет вы, мнит ся службу приносити Богу. И сия сотворят, яко не познаша Отца, ни Мене. Но сия глаголах вам, да егда придет час, поминайте се, яко Аз Рех вам: сих же вам исперва не рех, яко с вами бех. Ныне же иду к пославшему Мя, и никтоже от вас вопрошает Мене: камо идеши? Но яко сия глаголах вам, скорби исполних сердца ваша. Но Аз истину вам глаголю: уне есть вам, да Аз иду. Аще бо не иду Аз, Утешитель не придет к вам: аще ли же иду, послю Его к вам. И пришед Он, обличит мир о гресе, и о правде, и о суде. О гресе убо, яко не веруют в Мя. О правде же, яко ко Отцу Моему иду, и ктому не видите Мене. О суде же, яко князь мира сего осужден бысть. Еще много имаю глаголати вам, но не можете носити ныне. Егда же придет Он, Дух Истины, наставит вы на всяку истину. Не о Себе бо глаголати имат, но елика аще услышит, глаголати имат, и грядущая возвестит вам. Он Мя прославит, яко от Моего примет, и возвестит вам. Вся, елика имат Отец, Моя суть: сего ради рех, яко от Моего примет, и возвестит вам. Вмале, и ктому не видите Мене, и паки вмале, и узрите Мя, яко иду ко Отцу. Реша же от ученик Его к себе: что есть сие, еже глаголет нам, вмале, и не видите Мене: и паки вмале, и узрите Мя, и яко Аз иду ко Отцу? Глаголаху убо, что сие есть еже глаголет, вмале? Не вемы, что глаголет. Разуме же Иисус, яко хотяху Его вопрошати, и рече им: о сем ли стязаетеся между собою, яко рех: вмале, и не видите Мене: и паки вмале, и узрите Мя. Аминь, аминь глаголю вам, яко восплачетесь и возрыдаете вы, а мир возрадуется: вы же печальни будете, но печаль ваша в радость будет. Жена, егда раждает, скорбь имат, яко прииде год ея: егда же родит отроча, ктому не помнит скорби за радость, яко родися человек в мир. И вы же печаль имате убо ныне: паки же узрю вы, и возрадуется сердце ваше, и радости вашей никтоже возмет от вас: И в той день Мене не вопросите ничесоже. Аминь, аминь глаголю вам: яко елика аще Chesо просите от Отца во имя Моё, даст вам. Доселе не просите ничесоже во имя Моё. Просите, и примите, да радость ваша исполнена будет. Сия в притчах глаголах вам: но придет час, егда ктому в притчах не глаголю вам, но яве о Отце возвещу вам. В той день во имя Моё вопросите: и не глаголю вам, яко Аз умолю Отца о вас. Сам бо Отец любит вы, яко вы Мене возлюбисте, и веровасте, яко Аз от Бога изыдох. Изыдох от Отца, и приидох в мир: и паки оставляю мир, и иду ко Отцу. Глаголаша Ему ученицы Его: се ныне не обинуюся глаголеши, а притчи никоеяже не глаголеши. Ныне вемы, яко веси вся, и не требуеши, да кто ты вопрошает: о сем веруем, яко от Бога изшел еси. Отвеща им Иисус: ныне ли веруете? Се грядет час, и ныне прииде, да разбидется кождо во своя, и Мене единого оставите: и не смь един, яко Отец со Мною есть. Сия, глаголах вам, да во Мне мир имате. В

міре скорбни будете: но дерзайте, яко Аз победих мир. Сія глагола Иисус, и возведе очи Свои на небо, и рече: Отче, прииде час, прослави Сына Твоего, да и Сын Твой прославит Тя. Якоже дал еси Ему власть всякия плоти, да всяко еже дал еси Ему, даст им живот вечный. Се же есть живот вечный, да знают Тебе Единого истинного Бога, и Егоже послал еси Иисус Христа. Аз прославих Тя на земли, дело соверших, еже дал Мне да сотворю. И ныне прослави Мя Ты, Отче, у Тебе Самого славою, юже имех у Тебе прежде мир не бысть. Явих Имя Твое человеком, ихже дал еси Мне от мира: Твой беша, и Мне их дал еси, и слово Твое сохраниша. Ныне разумеша, яко вся, елика дал еси Мне, от Тебе суть. Яко глаголы, ихже дал еси Мне, дах им: и тии прияша, и разумеша воистинну, яко от Тебе изыдох, и вероваша, яко Ты Мя посла. Аз о сих молю: не о всем мире молю, но о тех, ихже дал еси Мне, яко Твой суть. И Моя вся, Твоя суть и Твоя Моя: и прославихся в них. И ктому несмы в мире, и сии в мире суть, и Аз к Тебе гряду. Отче Святыи, соблюди их во Имя Твое, ихже дал еси Мне, да будут едино якоже и Мы. Егда бех с ними в мире, Аз соблюдах их во имя Твое, ихже дал еси Мне, сохраних, и никтоже от них погибе, токмо сын погибельный, да сбудется Писание. Ныне же к Тебе гряду, и Сія глаголю в мире, да имут радость Мою исполнену в себе. Аз дах им слово Твое, и мир возненавиде их, яко не суть от мира, якоже и Аз от мира несмы. Не молю, да возмеш их от мира, но да соблюдеши их от неприязни. От мира не суть, якоже и Аз от мира несмы. Святи их во истину Твою: слово Твое истина есть. Якоже Мене послал еси в мир, и Аз послах их в мир. И за них Аз свящу Себе, да и тии будут священи во истину. Не о сих же молю токмо, но и о верующих словесе их ради в Мя. Да вси едино суть, якоже Ты, Отче, во Мне, и Аз в Тебе, да и тии в нас едино будут: да и мир веру имет, яко Ты Мя послал еси. И Аз славу, юже дал еси Мне, дах им: да будут едино, якоже Мы едино есма. Аз в них, и Ты во Мне, да будут свершени во едино; и да разумет мир, яко Ты Мя посла, и возлюбил еси их, якоже Мене возлюбил еси. Отче, ихже дал еси Мне, хочу, да идеже есмь Аз, и тии будут со Мною, да видят славу Мою, юже дал еси Мне, яко возлюбил Мя еси прежде сложения мира. Отче Праведный, и мир Тебе не позна. Аз же Тя познах, и сий познаша, яко Ты Мя посла. И сказах им Имя Твое, и скажу: да любви, еюже Мя еси возлюбил в них будет, и Аз в них. И Сія рек Иисус, изыде со ученики Своими на он пол потока Кедрска. Идеже бе вертоград, воньже вниде Сам и ученицы Его.

Хор: Слава долготерпению Твоему, Господи.

Ударяют в колокол 1 раз

Старший: От Иоанна Святого Евангелия чтение

Хор: Слава страстем твоим Господи.

Старший:

2 *Евангелие Иоанна 18:1-28*

Во время оно, изыде Иисус со ученики Своими на он пол потока Кедрска, идеже бе вертоград, вонже вниде Сам и ученицы Его. Ведяше же Иуда предай Его место: яко множицею собирашеся Иисус ту со ученики Своими. Иуда же прием спину, и от архиерей и фарисей слуги, прииде тамо со светилы и свещами и оружию. Иисус же ведый вся грядущая Нань, изшед рече им: кого ищете? Отвещаша Ему: Иисуса Назореа. Глагола им Иисус: Аз есмь. Стояше же и Иуда, иже предаеше Его, с ними. Да якоже рече им: Аз есмь, идоша вспять, и падоша на земли. Паки же вопроси их Иисус: кого ищете? они же реша: Иисуса Назореа. Отвещая Иисус: Рех вам, яко Аз есмь. Аще убо Мене ищете, оставите сих ити. Да сбудется слово, еже рече: яко ихже дал еси Мне, не погубих от них никогже. Симон же Петр, имый нож, извлече Его и удари архиереова раба, и уреза ему ухо десное: бе же Иимя рабу Малх. Рече же Иисус Петрови: вонзи нож в ножницу. Чашу юже даст Мне Отец, не имам ли пити ея? Спира же и тысящник, и слуги иудейския яша Иисуса, и связаша Его. И ведоша Его ко Анне первее: бе бо тесть Каиафе, иже бе архиерей лету тому. Бе же Каиафа давый совет иудеом, яко уне есть единому человеку умерети за люди. По Иисусе же идяше Симон Петр, и другой ученик: ученик же той бе знаем архиереови, и вниде со Иисусом во двор архиереев. Петр же стояше при дверех вне: изыде убо ученик той, иже бе знаем архиереови, и рече двернице, и введе Петра. Глагола же раба дверница Петрови: Еда и ты ученик еси Человека Сего? Глагола он: несмь. Стояху же раби и слуги огонь сотворше, яко зима бе, и гряхуся: бе же с ними Петр стоя и гряхся. Архиерей же вопроси Иисуса о ученицех Его, и о учении Его. Отвещая ему Иисус: Аз не обинуяся глаголах миру: Аз всегда учах на сонмищих, и в церкви, идеже всегда иудее снемлются: и тай не глаголах ничесоже. Что Мя вопрошаеши? Вопроси слышавших, что глаголах им: се сии ведят, яже Рех Аз. Сия же рекшу Ему, един от предстоящих слуг удари в ланиту Иисуса, рек: тако ли отвечаеши архиереови? Отвещая ему Иисус: аще зле глаголах, свидетельствуй о зле: аще ли добре, что Мя биеша? Посла же Его Анна связана к Каиафе архиереови. Бе же Симон Петр стоя и гряхся. Реша же ему: Еда и ты от ученик Его еси? Он же отвержеся, и рече: несмь. Глагола един от раб архиереев, южика сый, емуже Петр уреза ухо: не аз ли ты видех в вертограде с Ним? Паки убо Петр отвержеся, и абие петел возгласи. Ведоша же Иисуса от Каиафы в претор, бе же утро: и тий не внидоша в претор, да не осквернятся, но да ядят пасху.

Хор: Слава долготерпению Твоему, Господи.

Ударяют в колокол 2 раза

Старший: От Матфея Святаго Евангелия чтение

Хор: Слава страстем твоим Господи.

Старший:

3 Евангелие Матфея 26:57-75

Во время оно, воины емше Иисуса ведоша к Каиафе архиерёви, идеже книжницы и старцы собрашася. Петр же идяше по Нем издалеча, до двора архиерёва: и вшед внутрь, седяше со слугами: видети кончину. Архиерее же и старцы, и сонм весь, искаху лжесвидетельства на Иисуса, яко да убийот Его. И не обретаху: и многим лжесвидетелем приступльшым, не обретоша. Послежде же приступиша два лжесвидетеля, реста: сей рече: могу разорити церковь Божию, и тремя днёми создати ю. И востав архиерей рече Ему: ничесоже ли отвечаеши, что сии на Тя свидетельствуют? Иисус же молчаше. И отвечав архиерей рече Ему: заклинаю Тя Богом живым, да речеши нам, аще Ты еси Христос Сын Божий? Глагола ему Иисус: ты рече. Обаче глаголю вам: отседе узрите Сына Человеческого, седяща одесную силы, и грядуща на облацех небесных. Тогда архиерей растерза ризы Своя, глаголя: яко хулу глагола, что еще требуем свидетелей? Се ныне слышасте хулу Его. Что ся вам мнит? Он же отвечающе реща: повинен есть смерти. Тогда заплеваша лице Его, и пакости Ему деяху, обвии же за ланиту удариша, глаголюще: прорцы нам, Христэ: кто есть ударей Тя? Петр же вне седяше во дворе, и приступи к нему едина рабыня, глаголющи: и ты бе со Иисусом Галилейским. Он же отвержеся пред всеми, глаголя: не вем что глаголеши. Изшедшу же ему ко вратом, узре его другая, и глагола им ту: и сей бе со Иисусом Назореом. И паки отвержеся с клятвою, яко не знаю Человека. Помале же приступивше стоящий, реща Петрови: воистинну и ты от них еси, ибо беседа твоя яве тя творит. Тогда начат ротитися и клятися: яко не знаю Человека, и абие петел возгласи. И помяну Петр глагол Иисусов, реченный ему, яко прежде даже петел не возгласит, трикраты отвержешися Мене: и изшед вон, плакася горько.

Хор: Слава долготерпению Твоему, Господи.

Ударяют в колокол 4 раза

Старший: От Иоанна Святаго Евангелия чтение

Хор: Слава страстем твоим Господи.

Старший:

4 Евангелие Иоанна 18:28-19:16

Во время оно, ведоша Иисуса от Каиафы в претор: бе же утро: и тии не внидоша в претор, да не осквернятся, но да ядят пасху. Изыде же Пилат к ним вон, и рече: кую речь приносите на человека Сего? Отвещаша и реща ему: аще не бы был Сей злодей, не быхом предали Его тебе. Рече же им Пилат: поимите Его вы, и по закону вашему судите Ему. Реща же ему иудее: нам недостойт убити никогже. Да слово Иисусово сбудется, еже рече, назнаменуя кою смертью хотяше умерети. Вниде же паки Пилат в претор, и гласи Иисуса, и рече Ему: Ты ли еси Царь иудейск? Отвеща ему

Иисус: о себѣ ли ты сие глаголеши, или инии тебе рекoша о Мне? Отвещá Пилáт: Едá аз жидовин есмь? Род Твой и архиерее предаша Тя мне, что еси сотворил? Отвещá Иисус: Цáрство Моё несть от мiра сегó. Аще от мiра сегó было бы Цáрство Моё, слуги Мои úбо подвизáлися бýша, да не предан бых был иудеом: ныне же Цáрство Моё несть отсюду. Рече же Емý Пилáт: úбо царь ли еси Ты? Отвещá Иисус: ты глаголеши, яко Царь есмь Аз. Аз на сие родихся, и на сие приидох в мир, да свидѣтельствую истину, и всяк, иже есть от истины, послушает гласа Моего. Глагола Емý Пилáт: что есть истина? И сие рек, паки изыде ко иудеом, и глагола им: аз ни единыя вины обретаю в Нем. Есть же обычай вам, да единого вам отпущу напасху: хощете ли úбо, да отпущу вам Царя Иудейска? Возопиша же паки вси, глаголюще: не Сегó, но Варáвву: бе же Варáвва разбойник. Тогда úбо Пилáт поят Иисуса, и би Егó. И воины сплётше венец от терния, возложиша Емý на главу, и в ризу багряну облекoша Егó, и глаголаху: радуйся, Царю Иудейский. И бияху Егó по ланитома. Изыде же паки вон Пилáт, и глагола им: се извожу Егó вам вон, да разумѣете, яко в Нем ни единыя вины обретаю. Изыде же вон Иисус, нося терновен венец и багряну ризу. И глагола им: Сё Человѣк. Егда же видеша Егó архиерее и слуги, возопиша глаголюще: распни, распни Егó. Глагола им Пилáт: поимите Егó вы, и распните, аз бо не обретаю в Нем вины. Отвещáша емý иудее: мы закон имама, и по закону нашему должен есть умерети, яко Себѣ Сына Божия сотвори. Егда же слыша Пилáт сие слово, паче убоясь. И вниде в претор паки, и глагола Иисусови: откуда еси Ты? Иисус же отвѣта не даде емý. Глагола же Емý Пилáт: мне ли не глаголеши? Не вѣси ли, яко власть имам распяти Тя, и власть имам пустити Тя? Отвещá Иисус: не имаши власти ни единыя на Мне, аще не бы ти дано свýше: сегó ради предавый Мя тебе бóлий грех имать. От сегó искаше Пилáт пустити Егó. Иудее же вопияху, глаголюще: аще сегó пустиши, неси друг кесарев. Всяк, иже царя себѣ творяй, противится кесарю. Пилáт же, слышав сие слово, изведе вон Иисуса, и седе на судищи, на месте глаголемем Лифостротон, еврейски же Гаввафа. Бе же пяток Пасце, час же яко шестый: и глагола иудеом: Се Царь ваш. Они же вопияху: возми, возми, распни Егó. Глагола им Пилáт: Царя ли вашего распну! Отвещáша архиерее: не имама царя, токмо кесаря. Тогда же предаде Егó им, да распнётся.

Хор: Слава долготерпению Твоему, Господи.

Ударяют в колокол 4 раза

Старший: От Матфея Святаго Евангелія чтение

Хор: Слава страстем твоим Господи.

Старший:

5 Евангелие Матфея 27:3-32

Во время оно, видев Иуду предавший Иисуса, яко осудиша Его, раскаявся возврати тридесять серебряники архиереем и старцем, глаголя: согреших, предав кровь неповинную. Они же реша: что есть нам? Ты узриши. И поверг серебряники в церкви, отыде, и шед удавися. Архиерее же приемше серебряники, реша: недостойно есть вложити их в корвану: понеже цена крове есть. Совет же сотворше купиша ими село скудельниче, в погребание странным. Темже наречеса село то, Село Крове, до сего дне. Тогда сбытся реченное Иеремием пророком глаголющим: и прияша тридесять серебряник цену Цененнаго, Егоже ценяша от сынов Израилев: И даша я на селе скудельничи, якоже сказа мне Господь. Иисус же ста пред игемоном, и вопроси Его игефон, глаголя: Ты ли еси Царь Иудейский? Иисус же рече ему: ты глаголеши. И егда Нань глаголаху архиерее и старцы, ничесоже отвещаваше. Тогда глагола Ему Пилат: не слышиши ли, колико на Тя свидетельствуют? И не отвеча ему ни к единому глаголу: яко дивитися игемону зело. На всяк же праздник обычай бе игемону отпущати единого народу связня, егоже хотяху. Имяху же тогда связана нарочита, глаголемаго Варавву. Собранным же им, рече им Пилат: кого хотите от обою отпущу вам, Варавву ли, или Иисуса, глаголемаго Христа? Ведяше бо, яко зависти ради предаша Его. Сядящу же ему на судищи, посла к нему жена его, глаголющи: ничтоже тебе, и Праведнику Тому: много бо пострадах днесь во сне Его ради. Архиерее же и старцы наустяша народы, да испросят Варавву, Иисуса же погубят. Отвещав же игефон рече им: кого хотите от обою отпущу вам? Они же реша: Варавву. Глагола им Пилат: что убо сотворю Иисусу, глаголемому Христу? Глаголаша ему вси: да распят будет. Игефон же рече: кое убо зло сотвори, они же излиха вопяху, глаголюще: да пропят будет. Видев же Пилат, яко ничтоже успеваает, но паче молва бываает, прием воду, умы рuce пред народом, глаголя: неповинен есмь от крове праведнаго Сего, вы узрите. И отвещавше вси людие реша: кровь Его на нас и на чадех наших. Тогда отпусти им Варавву: Иисуса же бив, предаде им, да Его пропнут. Тогда воини игемоновы приемше Иисуса на судище, собраша Нань все множество воин. И совлекше Его, одяша Его хламидою червленою. И сплетше венец от терния, возложиша на главу Его, и трость в десницу Его: и поклоншеса на колену пред Ним, ругахуся Ему, глаголюще: радуйся, Царю Иудейский. И плонувше Нань, прияша трость, и бяху по главе Его. И егда поругашася Ему, совлекоша с Него багрянницу, и облекоша Его в ризы Его: и ведоша Его на пропятие. Исходяще же обретоша человека киринейска, именем Симона: и сему задеша понести Крест Его.

Хор: Слава долготерпению Твоему, Господи.

Ударяют в колокол 5 раз

Старший: От Марка Святаго Евангелия чтение

Хор: Сла́ва страстем твоим Господи.

Старший:

6 Евангелие Марка 15:16-32

Во время оно, воины ведоша Иисуса внутрь двора, еже есть претор, и созваша всю спору. И облекоша Его в препряду, и возложиша на Него сплетше тернов венец. И начаша целовати Его (и глаголати): радуйся, Царю Иудейский. И бияху Его по главе тростию, и плюваху на Него: и прегигающе колена поклоняхуся Ему. И егда поругашася Ему, совлекоша с Него препряду, и облекоша Его в ризы Своя: и изведоша Его, да пропнут Его. И задеша мимоходящу некоему Симону Кириною (грядущу с села, отцу Александру и Руфову), да возмет Крест Его. И приведоша Его на Голгофу место, еже есть сказано, лобное место. И даху Ему пити есмирнисмено вино. Он же не прият. И распеншии Его разделиша ризы Его, метаяще жребий о них, кто что возмет. Бе же час третий, и распяша Его. И бе написание вины Его написано: Царь Иудейск. И с Ним распяша два разбойника: единого одесную, и единого ошуюю Его. И сбыется Писание, еже глаголет: и со беззаконными вменися. И мимоходящи хуляху Его, покиваяюще главами своими, и глаголюще: уа, разоряяй церковь, и тремя дньми созидаая: спасися Сам, и снйди с Креста. Такоже и архиерее, ругающиеся друг ко другу с книжники, глаголаху: ины спасе, Себе ли не может спасти? Христос Царь Израилев да сндет ныне с Креста, да видим, и веру имем Ему.

Хор: Сла́ва долготерпению Твоему, Господи.

Ударяют в колокол 6 раз

Старший: **От Матфея Святаго Евангелия чтение**

Хор: Сла́ва страстем твоим Господи.

Старший:

7 Евангелие Матфея 27:33-54

Во время оно, пришедше воины на место нарицаемое Голгофа, еже есть Краниево место, даша Иисусу пити оцет с желчию смешен: и вкушь, не хотяше пити. Распеншии же Его, разделиша ризы Его вергше жребия: И сидяще стрежаху Его ту, И возложши верху главы Его вину Его написано: Сей есть Иисус Царь иудейский. Тогда распяша с Ним два разбойника, единого одесную и единого ошуюю. Мимоходящи же хуляху Его, покиваяюще главами Своими. И глаголюще: разоряяй церковь, и тремя дньми созидаая, спасися Сам: аще Сын еси Божий, снйди со Креста. Такожде же и архиерее, ругающиеся с книжники и старцы и фарисеи, глаголаху: Иныя спасе, Себе ли не может спасти? Аще Царь Израилев есть, да сндет ныне со Креста, и веруем в Него. Упова на Бога: да избавит ныне Его, аще хощет Ему: рече бо, яко Божий есмь Сын. Тогда же и разбойника распятая с Ним поношаста Ему. От шестаго же часа тьма

бысть по всей земли до часа девятого. О девятом же часе возопи Иисус гласом велиим, глаголя: Или, Или, лимá савахфани? Еже есть Бóже Мой, Бóже Мой, вскую Мя еси оставил? Нѣцны же от ту стоящих слышавше, глаголаху: яко Илию глашает Сей. И абие тек един от них, и прием губу, исполнив же оцта, и вонзе на трость, напаяше его. Прочии же глаголаху: остави, да видим, аще приидет Илиа спасти Его. Иисус же, паки возопив гласом велиим, испусти дух. И се завеса церковная раздрася на двое, с Вышняго края до нижняго: и земля потрясѣся, и камене распадѣся. И гроби отверзѡшася, и многа телеса усѡпших святых восташа: И изшедше из гроб по Воскресѣнии Его, внидоша во Святыи град, и явишася мнозем. Сѡтник же и иже с ним стрегущи Иисуса, видевше трус и бывшая, убояшася зело, глаголюще: воистинну Божий Сын бе Сей.

Хор: Слава долготерпѣнию Твоему, Господи.

Ударяют в колокол 7 раз

Старший: От Луки Святаго Евангелія чтение

Хор: Слава страстем твоим Господи.

Старший:

8 Евангеліе Луки 23:32-49

Во время оно, ведяху со Иисусом и ина два злодея, с Ним убити. И егда приидоша на место нарицаемое лобное, ту распяша Его, и злодея, оваго убо одесную, а другаго ошуюю. Иисус же глаголаше: Отче, отпусти им, не вѣдят бо, что творят. Разделяюще же ризы Его, метяху жребия. И стояху людие зряще. Ругахуся же и князи с ними, глаголюще: инья спасе, да спасет и Себе, аще Той есть Христос Божий избранный. Ругахуся же Ему и воины, приступающе, и оцет придеюще Ему. И глаголаху: аще Ты еси Царь Иудейск, спасися Сам. Бе же и написание написано над Ним писменнѣи еллинскими, и римскими, и еврейскими: Сей есть Царь Иудейск. Един же от обещеную злодею хуляше Его, глаголя: аще Ты еси Христос, спаси Себе и наю. Отвещав же другий, прещаше ему, глаголя: ни ты ли бойшися Бога, яко в томже осужден еси? И мы убо в правду, достойная бо по делом наю восприемлева; Сей же ни единого зла сотвори. И глаголаше Иисусови: помяни мя, Господи, егда приидеши во Царствии Си. И рече ему Иисус: аминь глаголю тебе, днесь со Мною будеши в рай. Бе же час яко шестый, и тма бысть по всей земли до часа девятого. И померче солнце и завеса церковная раздрася посреде. И возгласъ гласом велиим Иисус, рече: Отче, в руке Твои предаю дух Мой: и сия рек издше. Видев же сѡтник бывшее, прослави Бога, глаголя: воистинну Человек Сей праведен бе. И вси пришедши народи на позор сей, видяще бывающая, биюще перси своя, возвращахуся. Стояху же вси знаемии Его издалеча, и жены споследовавшыя Ему от Галилеи, зряще сих.

Хор: Сла́ва долготерпéнию Твоему́, Го́споди.
Ударяют в колокол 8 раз

Старший: **От Иоа́нна Святаго Евангелія чтение**

Хор: Сла́ва страстем твоим Господи.

Старший:

9 Евангелие Иоанна 19:28-37

Во вре́мя оно́, стояху при Кресте́ Иису́сове Ма́ти Егó, и сестра́ Ма́тере Егó, Мари́а Клео́пова, и Мари́а Магдали́на. Иису́с же ви́дев Ма́терь, и ученика́ стояща, егóже любля́ше, глаго́ла Ма́тери Своёй: Же́но, се сын Твой. Потóм же глаго́ла ученику́: Се Ма́ти Твоя́, и от тогó часа́ поят Ю́ ученик во свояси. Посём ве́дый Иису́с, я́ко вся уже́ соверши́шася, да сбúдется Писáние, глаго́ла: жа́жду. Сосúд же стоя́ше полн о́цта: онí же испóлнивше губу́ о́цта, и на трость вóнзше, придéша ко устóм Егó. Егда́ же прият о́цет Иису́с, рече́: соверши́шася. И преклóнь главу́ предаде́ дух. Иудее́ же, понéже пятóк бе, да не остана́т на Кресте́ телеса́ в суббóту; бе бо вели́к день тоя́ суббóты, моли́ша Пилáта, да преби́ют гóлени их, и вóзмут. Приидóша же во́ини, и пёрвому́ úбо преби́ша гóлени, и другóму распя́тому с Ним. На Иису́са же прише́дше, я́ко ви́деша Егó уже́ умёрша, не преби́ша Емú гóлений: но еди́н от во́ин копие́м рёбра Емú прободé, и áбие изы́де кровь и вода́. И ви́девый свидéтельствова, и и́стинно есть свидéтельство егó: и той весть, я́ко и́стину глаго́лет, да вы ве́ру и́мете. Бы́ша бо сия́, да сбúдется Писáние: кость не сокруши́тся от Него́. И па́ки другóе Писáние глаго́лет: воззрят Нань, Егóже прободо́ша.

Хор: Сла́ва долготерпéнию Твоему́, Го́споди.
Ударяют в колокол 9 раз

Старший: **От Ма́рка Святаго Евангелія чтение**

Хор: Сла́ва страстем твоим Господи.

Старший:

10 Евангелие Ма́рка 15:43-47

Во вре́мя оно́, при́иде Ио́сиф, и́же от Аримафе́а, благообра́зен советник, и́же и той бе ча́я Ца́рствия Бо́жия, дерзну́в вни́де к Пилáту, и проси́ Тело́ Иису́сово. Пилáт же диви́ся, а́ще уже́ умре: и призва́в сотника, вопро́си Егó: а́ще уже́ умре? И уве́дев от сотника, даде́ тело́ Ио́сифови. И купи́в плащани́цу, и снем Егó обви́т плащани́цею, и положи́ Егó во гроб, и́же бе изсе́чен от ка́мене: и привали́ ка́мень над двéри грóба. Мари́а же Магдали́на, и Мари́а Иоси́ева зря́сте, где Егó полага́ху.

Хор: Сла́ва долготерпéнию Твоему́, Го́споди.
Ударяют в колокол 10 раз

Старший: От Иоанна Святаго Евангелія чтение

Хор: Слава страстем твоим Господи.

Старший:

11 Евангелие Иоанна 19:38-42

Во время оно, моли Пилата Иосиф, иже от Аримафеа, сый ученик Иисусов, потаен же страха ради иудейска, да возмет Тело Иисусово: и повеле Пилат. Прииде же и взят Тело Иисусово. Прииде же и Никодим, пришедый ко Иисусови нощию прежде, нося смешение смиренно и албино, яко литр сто. Прияста же Тело Иисусово, и обвиста Е ризами со ароматы, якоже обычай есть иудеом погребати. Бе же на месте, идеже распяты, верт, и в верте гроб нов, в немже николже никтоже положен бе. Ту убо пятка ради иудейска, яко близ быше гроб, положиста Иисуса.

Хор: Слава долготерпению Твоему, Господи.

Ударяют в колокол 11 раз

Старший: От Матфея Святаго Евангелія чтение

Хор: Слава страстем твоим Господи.

Старший:

12 Евангелие Матфея 13:31-18:1

Во утрий день, иже есть по пятце, собращася архиереи и фарисее к Пилату, глаголюще: господи, помянухом, яко лстец Он рече еще сый жив, по триех днех востану. Повели убо утвердiti гроб до третияго дне: да не како пришедше ученицы Его нощию украдут Его, и рекут людем: воста от мертвых. И будет последняя леть горша первая. Рече же им Пилат: имате кустодию: идите, утвердите якоже весте. Они же шедше утвердиша гроб, знаменавше камень с кустодиею.

Хор: Слава долготерпению Твоему, Господи.

Ударяют в колокол 12 раз

Господи, помилуй. **40 раз**

Слава Отцу, и Сыну, и Святому Духу и ныне, и присно, и во веки веков. Аминь.

Честнейшую Херувим и славнейшую без сравнения Серафим, без исления Бога Слова рождшую, сущую Богородицу Тя величаем. Слава Отцу, и Сыну, и Святому Духу и ныне, и присно, и во веки веков. Аминь.

Господи, помилуй. *(Трижды).*

Господи, благослови.

Старший: Молитвами святых отец наших, Господи, Иисусе Христе, Сыне Божий, помилуй нас.

Чтец: Аминь